



Uunga:

Bo Martinsen, Demokraatit
Inatsisartunut ilaasortaq

§ 37 naapertorlugu apeqqummut nr. 196/2025-mut akissuteqaat

09-03-2026

Matumuuna Naalakkersuisut Siulittaasuata Inatsisartut Suleriaasianni § 37 imm. 1
naapertorlugu akissuteqaat nassiuppaa.

Postboks 1015

3900 Nuuk

Oq. (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

1

Apeqqutigineqartut 12. november 2025 nassiunneqarput, akiniarneralu sivisusimalluni.
Tamanna soorunami ajuusaarutigaa.

Apeqqutigineqartut ataasiakkaat naapertorlugit akineqartassapput.

**1. Allaffissornikkut suliat soorlu pas-inik nutaannguinerit, kørekortinik
tunniussinerit, normupladinik nalunaarsuinerit kiisalu tunniussinerit,
innuttaasunullu sullissinerit assingusut politiinit kommuninut
tunniunneqarnissaannut periarfissanik misissuinerimik Naalakkersuisut
aallartitserusunnerlutik?**

Akissut:

Ataatsimut isigalugu Danmarkimiit nunatsinnut suliaassanik angerlaassinissaq imaluunniit
nuussuinissaq inatsisilerinikkut, aningaasatigut, sulisussaqarnikkut aammalu
periarfissaasunik ujartuineq sukumiisumik misissuiffigineqaaqqaartariaqarpoq. Tassunga
ilangullugu nalilersorneqartariaqarpoq suut piffinni innuttaasunut qaninnerusumik
pitsaanerusumik suliarineqarsinnaanersut, aammalu suut politiinit imaluunniit allanit
oqartussanit suliarineqarsinnaanersut. Taamaattoq Naalakkersuisut kissaatigaat
suliaassanik angerlaassinissamut imaluunniit nuussinissamut pilersaarut ataatsimoortoq
siulliullugu aalajangiiffigineqartariaqartoq, immikkoortunik ataasiakkaat
isummerfiginissaat sioqqullugu.

**a. Suliassat politiitut piginnaasaqarfigisariaqanngitsut, kommuniniillu imaluunniit
najukkanni immikkoortortanit allanit isumagineqarsinnaasut suut ullumikkut
politiinit suliarineqartarpat?**

Akissut:

Maannamut suliassat pineqartut allattorsimaffeqanngillat naammassineqarsimasumik,
kisianni allaffissornikkut suliassat politiitut immikkut ilinniagaqarnissamik
pisariaqartitsinngitsut makkuusinnaapput:

- Pas-inut nutarterineq aammalu pas-inik tunniussisarneq
- Biilinit allagartaliornermut akuersissuteqarneq tunniussinerlu
- Biilit nalunaarsorneqarnerat
- Biilit normuinik tunniussisarneq
- Allakkat uppernarsaatit assigiinngitsut innuttaasunut tunniunneqartartut

Suliassat taakku nunani allani amerlasuuni kommunini innuttaasunik sullissivinni suliarineqartarput. Taamaattumik Naalakkersuisut nalilerpaat periarfissaasinnaasoq sumiiffinni innuttaasunut qaninnerusunik sullissineq, periarfissat atuuttut naapertorlugit.

b. Suliassat taamak ittut, inatsisip atuuttup iluani kommuninut tunniunneqarunik inatsisitigut, allaffissornikkullu periarfissat Naalakkersuisut qanoq nalilerpaat?

Akissut:

Apeqqutip nr. 1-p akissutitaanut innersuussisoqarpoq.

c. Suliassat taakkua kommunit isumagissappatigut pitsaassuseq, assigiissaartumillu innuttaasunut sullissinissaq qanoq qulakkeerneqarsinnaassanersoq Naalakkersuisut nassuiarsinnaavaat?

Akissut:

Maannamut pisariaqartitanik misissuisoqarsimanngilaq, kisianni kommunit suliassanik tigussagaluarpata Naalakkersuisut aajukua pingaartitassaannut ilaasut:

- Inatsisitigut toqqammavissat ersarissut
- Suliassanik ingerlatsineri najoqqutassiat assigiiaartut
- IT-systemit assigiiaartut aammalu nalunaarsuineri paasissutissat pisariaqartut
- Sulisut piginnaasaasa ilinniartitaanerisalu ineriartortinneqarnissaat
- Ataavartumik nakkutiginnineq aammalu nakkutilliineq
- Oqartussat akornanni akisussaffiit pillugit isumaqatigiissutit ersarissut

2. Suliassat kommuninut tunniunneqassagaluarpata tassunga atatillugu, aningaasalersuinerup suli Naalagaaffeqatigiinnermi oqartussanit isumagineqarnissaa Naalakkersuisut qanoq qulakkeerniarpaat?

Akissut:

Aningaasaqarnermut Akileraartartermullu Naalakkersuisoqarfimmiit akissummit aallertoqarpoq:

"Danskita naalagaaffianniit oqartussaaffinnik tigusermi, suliassap suliarineqarnissaa Namminersorlutik Oqartussanit tiguneqassaaq. Tamatuma kingorna inatsisartut aalajangertussaavaat inatsisilerinikkut suliassat qanoq agguataarneqassanersut Naalakkersuisut kommunillu akornanni.

Suliassanik/akisussaffinnik nutaanik kommuninut nuussineri, nalinginnaasumik isumaqatigiissuteqareerpoq kommuninut aningaasartuutiniq matussusiinissamik, DUT-imik (Annertusisamik tamakkiisumik nalimmassaanermut toqqammavik) taaneqartartumik. Tamanna nalinginnaasumik periusiuvoq. Isumaqatigiissuteqarnikkut bloktilskudsi pillugu Naalakkersuisut kommunillu akornanni ilaatinneqartarpoq. Taamatut isumaqatigiissuteqarneq aningaasaliissutitut tunngasunik inatsisissatut tunngavissaqartussaammat.

Danskita naalagaaffianniit suliassanik tigusermi, Namminersorlutik Oqartussat nammieerlutik aningaasalersuisunngortarput suliassanik nunatsinni isumagissassanut tunngatillugu, tamanna inatsisartut inatsisitaat Namminersorlutik Oqartussaaneq pillugu

inatsimmi piuvoq. Tamanna isumaqarpoq, Danskit naalagaaffianniit akisussaaffimmik tigusinermi aningaasaliissutit naatsorsuutigisassaanngitsut inatsisit malillugit, apeqqutaanani akisussaaffik Namminersorlutik Oqartussanut imlt. kommunit nuunnersoq.

Naalakkersuisut namminneq aalajangiinikkut naalagaaffimmiiit kommuninut nuussinermi qulakkeerneqarnissaat isumagisinnaanngilaat. Kisianni eqqarsaatigineqarsinnaavoq naalagaaffik immikkut isumaqatigiissuteqarfigalugu aningaasaliissutit taamaattut qulakkeerneqarsinnaasut. Kisianni tamanna pillugu oqaloqatigiittoqarsimanngilaq – Naalakkersuisut iluminni imaluunniit naalagaaffik peqatigalugu – taamaattumik massakkut pissutsit aallavigalugit tamanna teoriimut tunngasumik kisimi eqqarsaatigineqarsinnaavoq.”

a. Kommunit suliasamik tigussagaluarpata, ullumikkut politiini allaffissornikkut sulianut aningaasat, isumalluutillu atorneqartartut kommuninut ilanngullugit nuunneqarnissaannut aningaasatigut najoqqutassamik suliaqarnissamut Naalakkersuisut suliniuteqassappat?

Akissut:

Apeqqutip nr. 2-p akissutitaanut innersuussisoqarpoq.

3. Politiit maani sulinerat nukittorsarniarlugu suliasat allaanerusumik aaqqissuunneqarsinnaanerit pillugu Justitsministeriaqarfiup, Naalagaaffiullu politiivisa oqaloqatiginissaannut Naalakkersuisut suliniuteqassappat?

Akissut:

Apeqqutip nr. 1-p akissutitaanut innersuussisoqarpoq.

4. Sammisamut soqutiginarturnik allanik Naalakkersuisut paasissutissiisinnaappat?

Akissut:

Soqanngilaq.

Inussiarnersumik inuulluaqqusillunga


Jens-Frederik Nielsen
Naalakkersuisut Siulittaasuat